

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ
ՄԱՍԻՆ**

Ք. Երևան

<< 13 >> հունվար 2020թ.

ՀՀ ԿԱ ՀՀ ոստիկանությունը, ի դեմս ՀՀ ոստիկանության պետի տեղակալ, ոստիկանության գնդապետ Վ. Մովսիսյանի (այսուհետ՝ ոստիկանություն), որը գործում է ՀՀ ոստիկանության կանոնադրության հիման վրա, մի կողմից և Հայաստանի <<Դինամո>> մարզական հասարակական կազմակերպությունը, ի դեմս նախագահի առաջին տեղակալ Ա. Մկրտչյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով ՀՀ կառավարության 2019 թվականի դեկտեմբերի 26-ի N 1919-Ն որոշումը (այսուհետ՝ որոշում), կնքեցին սույն պայմանագիրը (այսուհետ՝ պայմանագիր), հետևյալի մասին.

1. Պայմանագրի առարկան.

1.1 Սույն պայմանագրով ոստիկանությունը պարտավորվում է <<2020թ. պետության կողմից տրամադրվող դրամաշնորհ>> ծրագրի (այսուհետ՝ **ծրագիր**) իրականացման նպատակով կազմակերպությանը հատկացնել որոշմամբ նախատեսված՝ մինչև 24 464 200 (քսանչորս միլիոն չորս հարյուր վաթսուևչորս հազար երկու հարյուր) ՀՀ դրամ գումար, իսկ կազմակերպությունը պարտավորվում է **ծրագիրն** իրականացնել որոշմամբ և սույն պայմանագրով սահմանված կարգով:

1.2 **Ծրագրով** նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելվածում:

2. Կողմերի իրավունքներն ու պարտականությունները

2.1 Ոստիկանությունն իրավունք ունի.

2.1.1. ցանկացած ժամանակ (այդ թվում լիազոր մարմնի միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը:

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.1-ին կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում **ծրագրի** իրականացումը, կամ **ծրագրի** իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է **ծրագրով** նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում **ծրագրով** սահմանված պահանջներին.

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը ոստիկանության կողմից ընդունվելու դեպքում պահանջելու վճարել իրեն հասանելիք գումարը.

2.2.2. ոստիկանության կողմից գումարները չվճարվելու դեպքում, միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3. Ոստիկանությունը պարտավոր է՝

2.3.1. **ծրագրով** նախատեսված դեպքերում աջակցել կազմակերպությանը.

2.3.2. կատարել **ծրագրի** (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել **ծրագրով** նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է **ծրագրի** և սույն պայմանագրի պահանջներին, ապա դրանք ընդունվում են: Ընդ որում, ոստիկանությունը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը:

2.4. Կազմակերպությունը պարտավոր է՝

2.4.1. իրականացնել **ծրագրի** շրջանակներում ոստիկանության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել **ծրագրով** և (կամ) սույն պայմանագրով սահմանված նպատակներով ու չափաքանակներով.

2.4.3. կատարել ոստիկանության կողմից բացահայտված թերությունների վերացման նպատակով տրված ցուցումները.

2.4.4. ոստիկանության ծառայողների ընտանիքների անդամների ֆիզիկական պատրաստականության պարապմունքների անցկացման և առողջության ամրապնդման համար անվճար հիմունքներով մարզադահլիճների, մարզահրապարակների և մարզագույքի տրամադրումը:

2.4.5. **ծրագրի** իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.6. Սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2020 թվականի դեկտեմբերի 25-ը:

3. Հաշվետվությունների ներկայացման կարգն ու ժամկետները

3.1. Կազմակերպությունը պարտավոր է՝

3.1.1. սահմանված կարգով ոստիկանությանը պարբերաբար ներկայացնել **ծրագրի** իրականացման վերաբերյալ եռամսյակային հաշվետվություններ: Հաշվետվությունը ներկայացվում է եռամսյակին հաջորդող ամսում 10 օրվա ընթացքում, իսկ տարեկան հաշվետվությունը ներկայացվում է մինչև հաշվետու տարվա հաջորդող տարվա հունվարի 15-ը ներառյալ:

3.1.2. սույն պայմանագրի գործողության ընթացքում ապահովել **ծրագրի** իրականացմանը վերաբերող փաստաթղթերին ծանոթանալու ոստիկանության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

3.1.3. ոստիկանության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ ոստիկանության կողմից սահմանված ողջամիտ ժամկետում վերացնել արձանագրված անհամապատասխանությունները:

4. Մոնիթորինգը

4.1. Ոստիկանությունը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

4.2. Մոնիթորինգն իրականացվում է ոստիկանության և (կամ) նրա կողմից լիազորված անձի կողմից:

4.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

4.4. Ոստիկանությունը ցանկացած ժամանակ կարող է **ծրագրի** շրջանակներում իրականացնել մոնիթորինգ՝ ուսումնասիրելով **ծրագրին** առնչվող ցանկացած փաստաթղթեր և նյութեր:

4.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

5. Վճարման կարգը և ժամկետները

5.1. Կազմակերպությանը վճարումները կատարվում են **ծրագրով** նախատեսված միջոցառումների իրականացմանը համապատասխան կազմված սույն պայմանագրին կից ժամանակացույցով:

6. Կողմերի պարասխանադրվությունը

6.1. Սույն պայմանագրով և **ծրագրով** նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է ոստիկանությանը փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Ոստիկանությունը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. <<Հայաստանի <<Դինամո>> մարզական հասարակական կազմակերպությանը 2020թ. պետության կողմից տրամադրվող դրամաշնորհի օգտագործման>> ծրագիրը հանդիսանում է սույն պայմանագրի անբաժանելի մասը:

9.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.3. Պայմանագիրը կնքվում է 2 օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.4. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները


ՀՀ ոստիկանություն
ք. Երևան, Նալբանդյան 130
ՀՀ ֆինանսների նախարարության
աշխատակազմի գործառնական
վարչություն
Գ/Հ 900011021947
ՀՎՀՀ 01533334


Վ. Մովսիսյան
(ՀՀ ոստիկանության պետի տեղակալ)
(ստորագրություն)



Հայաստանի <<Դինամո>>
մարզական հասարակական
կազմակերպություն
ք. Երևան, Վարդանանց 69
Հեռ. /010/ 55-23-11
<<Հայքիզնեսբանկ>> ՓԲԸ
Հ/Հ 1150009613143139
ՀՎՀՀ 01503826


Ա. Մկրտչյան
(նախագահի առաջին տեղակալ)
(ստորագրություն)



Կ.Տ

Հավելված 2
20 _____թ. _____<< _____>>-ին
կնքված N _____ պայմանագրի

ՎՃԱՐՄԱՆ ՓԱՄԱՆԱԿԱՑՈՒՅՑ

Նախատեսվում է ֆինանսավորել ՀՀ 2020 թվականի պետական բյուջեի միջոցների հաշվին											
I եռամսյակ			II եռամսյակ			III եռամսյակ			IV եռամսյակ		
հունվար	փետրվար	մարտ	ապրիլ	մայիս	հունիս	հուլիս	օգոստ	սեպտ	հոկտ	նոյեմբ	դեկտ
2038.6	4077.4	6116.1	8424.8	10193.2	12232.1	14270.7	16309.3	18348.2	20386.8	22425.4	24464.2
Այլ ընթացիկ դրամաշնորհներ											
24464.2											

(հազ.դրամ)

ՀՀ ոստիկանություն
Ք. Երևան, Նալբանդյան 130
ՀՀ ֆինանսների նախարարության
աշխատակազմի գործառնական
վարչություն
Հ/Հ 9000011021947
ՀՎՀՀ 015333334



Հայաստանի ՀՀ Ղինամո>>
մարզական հասարակական
կազմակերպություն
Ք. Երևան, Վարդանանց 692.
Հեռ. /010/ 55-23-11
<<<Հայրիգներսանկ>> ՓԲԸ
Հ/Հ 1150009613143139
ՀՎՀՀ 01503826

(Signature)
Ա. Մկրտչյան
(Նախագահի առաջին տեղակալ)
(ստորագրություն)

